



## Ավետիք Իսահակյան

### Մայրի՛կ, նայիր, արևն ի՞նչպես

- Մայրի՛կ, նայիր, արևն ի՞նչպես  
Դեղնել է, ցուրտ է ի՞նչպես.  
Լույս չի տալիս, ու նայի՛ր, տես՝  
Չորս դիս՝ դալուկ աշնան պես:  
Եվ սար ու ձոր՝ լուռ – սևավոր,  
Անտառ, առու սուգ կանեն:  
Գարուն օրով այս ի՞նչ ցավով  
Երկիր – երկիր մեռել են:

- Ա՛խ, սիրելիս, դաշտ ու անտառ  
Գարնան գրկում նոր ծաղկան:  
Վառ արևն էլ, տե՛ս ի՞նչ պայծառ,  
Ու ցավ չունին, բալա ջան:  
Ավա՛ղ ... մենակ սիրտդ է մեռել,  
Ու սրտիդ մեջ – ամեն բան.  
Միրո ցավով սիրտդ է մեռել,  
Դալար կյանքդ, բալա ջան ...

1899

Սարիղամիշ